



Inatsisartunut ilaasortaq Kristian Jerimiassen, Siumut  
Inatsisatut  
/MAANI

Inatsisartut suleriaasianni § 37 naapertorlugu Upernavimmi Ummannamilu sinerissamut qanittumi qaleralinniarneq pillugu apeqquteqaatinik saqqummiussisi-mavutit. Apeqquteqaatit uannut akisassanngorlugit innersuutigineqarsimapput.

23. aug 2011  
Suliapnr. 2011-054133  
All.Upp.Nr. 709345

### **Apeqqut 1**

Naalakkersuisut tungaannit Ummannap eqqaani qaleralittassiissutit nungunissaat ukioq naanngitsoq naatsorsuutigineqarpa?

Postboks 269

3900 Nuuk

Oqa. (+299) 34 50 00

Allak (+299) 32 47 04

E-mail: [apnn@nanoq.gl](mailto:apnn@nanoq.gl) [www.nanoq.gl](http://www.nanoq.gl)

### **Apeqqut 2**

Maannakkut qaleralittassiissutit tons-it qassit sinneruppat?

### **Apeqqut 3**

Qaleqalittassiissutit sinneruttut ukiut siulii malillugit qanoq sivisutigisumik aalisarneqarnissaat naatsorsuutigineqarsinnaappat?

### **Apeqqut 4**

Qaleralittassiissutit nungussagaluarpata Naalakkersuisut ukiup sinneranut qaleralittasseeqqinnissaminnut pilersaaruteqarpat?

### **Akissutit**

Paasititsissutigisinnaavara, Ummannap ingerlatsiviani qaleralittassiissutit ukioq manna ukiup sisamararterutaata pingajuannut qaleralittassiissutigineqartut, tamakkerlugit aalisarneqareermata. Taamaattumik qaleralinnik aalisarneq ulloq 15. augustimi unitsinneqarpoq, tassanilu aalisarneq ulloq 30. september 2011 ilanngullugu matoqqassaaq. Ullup taassuma kingorna qaleralittassiissutit sinneri 1.000 tons-iusut, ukiup sisamararterutaanut kingullermut immikkoortinneqarsimasut aalisaaqqinneqalersinnaapput.

Ukiuni kingullerni marlunni piffimmi tamaani qaleralittassiissutit ukiup naannginnerani aalisarneqareertarsimapput, ukioq mannaluk qaleralittassiissutit ukiunit kingullerni marluusunit qaffasinnerugaluartut taamatut pisoqarnissaa naatsorsuutigaara. Paasititsissutigisinnaavara, qaleralittassiissutit ukiup naannginnerani aalisarneqareersimassagaluarpataluunniit, ukioq manna qaleralittassiissutit qaffassallugit Naalakkersuisut pilersaarutiginnimmassuk.

Biologit misissuinerisa aammalu aalisartut nalunaarutigisartagaasa takutippaat, ukiuni kingullerni qaleralitit milliartortut. Taakku paasissutissat naapertorlugit ajoraluartumik piniinnarsinnaangilagut qaffaasaqattaarlutalu.

Tamannami aamma uumassusillit nungukkiartuutaangittumik atuinissamut kissaatigisatsinnut assortuineruvoq, Inatsisartunimi partiit tamarmiullutik uumassusillit nungukkiartuutaangittumik atorneqarnissaat aqunneqarnissaallu akuersaarlugu ersersittarmassuk.

Qalerallinnut allanullu aalisakkanut pisassiisarnermi aaliangiinernut biologit paasissutissanik katerserernerminni siunnersuutigisartagaat tunngaviusarput qanoq annertutigisumik pisaqartoqarsinnaanermut. Taamanna uumassusillinnik nungukkiartuutangittumik atuinissamut qulakkeerinninneruvoq. Tamannalu aalisakkanik peqassutsimut nakkutiginninnermut tunngaviusarpoq, tamatumalu aamma aalisarnitta MSC-mik merkilernissaanut pingaaruteqarlunniartuulluni.

Inussiarnersumik inuulluaqqusillunga

Ane Hansen